

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : TUAN TEO KOK SEONG [RASAH]

TARIKH : 27 OKTOBER 2015

SOALAN :

TUAN TEO KOK SEONG [RASAH] minta **PERDANA MENTERI** menyatakan:-

- (a) mengapakah Suruhanjaya Pilihan Raya (SPR) masih tidak melantik penolong pendaftar pengundi daripada parti politik walaupun SPR sudah menjalankan kajian melebihi 2 tahun untuk menambah baik mekanisme pendaftaran pengundi baru; dan
- (b) latar belakang penolong pendaftar pengundi yang masih aktif serta jumlah pengundi baru yang didaftar sejak tahun 2013 - 2015.

JAWAPAN : YB DATO' SRI AZALINA BINTI DATO' OTHMAN SAID
MENTERI DI JABATAN PERDANA MENTERI

Tuan Yang di-Pertua,

- (a) Untuk makluman Ahli Yang Berhormat, berdasarkan kepada kajian terhadap kaedah dan prosedur pendaftaran berkaitan Penolong Pendaftar Pemilih di kalangan wakil parti politik, Suruhanjaya Pilihan Raya (SPR) berpendapat tiada keperluan untuk meneruskan pelantikan baharu Penolong Pendaftar Pemilih di kalangan wakil parti politik. Berhubung dengan perkara ini, SPR sentiasa menjalankan kajian yang menyeluruh dan komprehensif terhadap kaedah dan prosedur pendaftaran sedia ada bagi memastikan kelancaran dan keberkesanan urusan pendaftaran pemilih.
- (b) Untuk makluman Ahli Yang Berhormat juga, jumlah Penolong Pendaftar Pemilih yang masih sah pelantikannya sehingga bulan September 2015 adalah sebanyak **11,837 orang**. Ia terdiri daripada Penolong Pendaftar Pemilih yang dilantik di kalangan wakil parti politik, wakil jabatan Kerajaan, wakil pertubuhan bukan Kerajaan (NGO) dan wakil universiti. Selain itu, jumlah pemilih baru yang berdaftar dengan Suruhanjaya Pilihan Raya (SPR) dari tahun 2013 sehingga Daftar Pemilih Suku Tahun Kedua Tahun 2015 (ST 2/2015) adalah sebanyak **478,426 orang**.

Sekian, terima kasih.